

東華續錄

同治朝

卷十八之二十

第六冊

同治東華續錄十八

臣王先謙敬編

臣張式恭恭校

同治二年癸亥春正月戊申朔元旦節免朝賀○實授張之萬河南巡撫○以劉鄯膏爲江蘇按察使由候補知府選萬啓琛爲安徽按察使由記名

○己酉諭議政王軍機大臣等崇厚奏南宮緊急調兵扼堵並文煜奏擊賊於胡西村目察各摺片據奏崇厚於十二月二十九日馳抵南宮縣催調後起春霖所帶馬步兵並咨令文煜飛撥馬隊兜剿擬暫紮南宮縣城居中

策應請飭文煜所督兵勇前截後追等語合之文煜所報賊於二十四五等日由成安竄至邯鄲關入縣城復即奔竄二十

六日美國仲余承恩等帶領兵勇迎至永年縣北胡賈地方擊之獲勝並於是夜賊屯目寨乘勢掩擊賊由東北奔竄雞澤

一帶等情形是賊又由雞澤一帶東北竄至南宮縣境崇厚自應飛催後路春霖所帶之兵迎頭截擊並即檄催美國仲余

承恩等兵勇上緊跟追薩薩布帶領馬隊京兵於二十六七日已行抵順德文煜今由任城馳赴鉅鹿與美國仲等南北兩

路夾攻於地勢軍情是否悉協成保此時應亦趕到即著崇厚與之商同調度四面兜圍無難乘我兵新銳一鼓殲賊惟重

東邊界伏莽甚多崇厚所募南宮之賊是否即係文煜所奏竄至雞澤一股抑係另股著崇厚確切探明具奏如股數不少

即須分兵剿辦應如何分布堵擊之處即與成保妥籌辦理崇厚務當懷遵前奉諭旨實力圖功毋蹈瞻徇欺飾種種惡習

嗣後軍前事宜並著與成保聯銜具奏文煜摺片均著發交崇厚閱看將此由六百里諭令知之○調單懋謙爲吏部左侍

郎以曹毓瑛爲工部左侍郎由大理寺卿選○庚戌諭議政王軍機大臣等崇厚奏賊撲南宮旋即竄逸譚廷襄奏擬飭朱傑詩赴

淄川剿賊並催德楞額等專剿南捻各摺片直隸匪徒糾眾攻撲南宮縣城見難竄逸究未大受懲創薩薩布已抵南宮與

福等所帶馬步兵先後可到成保所統馬隊亦抵甯晉諒即日可以到齊但兵分力薄此股匪徒飄忽靡定著崇厚暗商成保

統籌全局分途兜剿趁此該署督初到之後申明賞罰一鼓作氣以期剋日殲除不得徒託空言仍蹈文煜等覆轍宋懋詩

所部如無不法情事准其調赴淄川助剿以贖前愆該撫務飭在事員弁嚴爲防範如有反側惟譚廷襄是問黃國瑞圍

攻長城兵力已敷布置德楞額富和自應恪遵前旨追剿李成股匪何以譚廷襄節次飛催尙無跟蹤覆信是德楞額等有

意遷延不遵調度挾從前被參之嫌以縱賊爲報復如此居心看來不能受朝廷保全之恩著譚廷襄傳旨嚴行申飭如再

不實力追剿即著據實奏聞候旨懲創以肅軍律其長城匪眾並著嚴飭黃國瑞迅即殲除張錫珠股匪據譚廷襄奏稱尙

在館陶其南宮等處匪徒是否即係該匪黨與張玉懷究在何處並著崇厚確切查明具奏再本日據孟傳金奏冀州牧丁

學易性耽安逸以致民團破敗各等語並著崇厚查明奏聞其餘該御史所陳剿賊各情雖文理未能通暢議論亦未見切

實惟崇厚初次權篆封疆遇事尤應格外留心原摺著鈔給閱看如有可採擇之處亦不當以人廢言也將此由六百里各諭令知之○諭唐訓方奏偵探巢縣賊情及派兵剿撫捻圩各等語遵漕鎮踞匪經肅慶衍督軍會同水師攻克向銅城牯遁去而巢縣逆黨踞守如故將來水陸官軍會攻巢縣該逆勢必窮蹙思竄唐訓方自應督飭張得勝扼住梁園嚴防竄越定遠縣西鄉土匪雖經攻毀四圩招撫餘匪仍應防其反側著唐訓方飭令唐啟虞會同該縣知縣李益林嚴密稽查如稍有蠢動即趕緊撲滅毋令勾結爲患王才秀等進軍蒙城誘殺捻首並官標等先後收撫賊圩二十一處官軍聲勢甚壯著即激勵將士迅將西洋高鑪一帶捻圩攻拔以期節節掃蕩會合僧格林沁所部直搗捻巢廓清皖境唐訓方另片奏三河尖釐局向係接濟臨撫兩營軍餉嗣勝保帶兵援潁在三河尖北岸立卡抽釐李續宜遂於南岸設局見在勝保被逮北岸釐局應歸皖營接辦請飭河南撫臣毋庸派員設局等語三河尖本係皖省地面該鎮既有兩局自未便再行添設重累商民所有張之萬前請於三河尖設立釐局之處著即停止將此由五百里各諭令知之○辛亥李鴻章奏據報署浙江總兵勒伯勒東由上虞分道進攻紹興府城帶隊直薄城下槍礮互轟斃賊不少詎該總兵親放大礮藥多礮炸致傷頭頂登時殞命並傷外國兵頭范夫哈格齡二員洋兵密楷爾密蓋爾二名查勒伯勒東本係法國兵官自權授中國總兵感沐聖恩益加奮勉茲以急取紹城親然巨礮臨陣傷亡實屬效忠盡命應請飭部從優議卹其兵頭范夫哈格齡等請一併議卹以慰忠魂上諭內閣總兵勒伯勒東進攻紹興親放大礮藥多礮炸致傷頭頂登時殞命雖非陷陣捐軀實係殞於行間與陣亡無異著交部從優議卹仍著李鴻章飭屬妥爲營葬以慰忠魂其同時陣亡之范夫哈格齡等著一併交部議卹○河南巡撫張之萬奏查汝南自陳大澣倡亂以來偏倚各寨幾於四面皆賊官軍既克陳寨乘勝進討軍威所懾民圩以次反正刻下汝南西北已無匪蹤南則明港陡溝各寨疊經李續燕等剿撫兼施見已畏罪乞降無庸重煩兵力惟東路項城新息之交小股伏莽尚多疊經帶兵將領及各該地方官盡力剿捕擒斬甚多寨首有乞降者岳城一帶向爲匪徒出沒之所臣復調參將尹嘉賓所部與陳祿興併力扼守兼彈壓就撫各寨其西南則邢集踞匪負隅未下經李續燕進兵擊敗復調全隊晝夜合圍以期滅此朝食該匪勢孤援絕見亦畏勦思降惟陳大澣回竄桐境游駛於縣東之固鎮吳城一帶與林振山勾結之眾尙有三四千人張曜率馬隊追之至平昌關距固鎮六十里臣已飛檄該鎮調集步隊節節探蹤而前並令南陽鎮暨該府縣率領兵團會合夾擊李續燕一軍如邢集業已得手即可分兵西進爲張曜後路策應務將陳逆殲擒勿令免脫臣見親抵汝南自當乘諸軍會集之時督率將士殄滅兇渠不令稍畱根株致貽後患汝南各軍統計萬數千人已

本日已諭令多隆阿將該二員押赴山西並將原案供招一併移送即著愛仁王茂蔭秉公嚴審確情按律定擬具奏祥恩戴驚期均係業經革職之員如再堅不吐實著即以嚴刑審訊將此諭令知之○丁巳諭內閣前因書齡及御史華祝三先後奏參勞崇光任用非人調度乖方各款當交穆克德訥羅惇衍查覆所參均非無因旋以該前督久歷封圻受恩至重諭令查明覆奏經該前督將被參各款逐一覆陳並自請嚴議復經諭令晏端書昆壽再行查辦以期平允嗣據勞崇光先後將販私行劫之陶昌培章昇耀等遵旨正法及晏端書奏遵查釐金積弊將分肥說合之知縣許慶瑤劉承緣等降旨革職提訊並以勞崇光任用非人照部議降三級調用茲據晏端書昆壽奏查明勞崇光覆陳各款如所參該前督將參將卓興調往平遠以致信宜失陷及悉索廣東財賦以應攻潯軍需各條實因另股賊匪竄陷平遠潯梧爲東西兩省咽喉並非調度乖方虛糜帑項又副將潘其仁卓著戰功實非庸懦嗣在高州剿匪未能得手業經勞崇光撤回亦未姑容其克復梧州保舉各員均照總局及各員稟所敘列會同崑壽等參酌去留並無不實候選道馬逢亨捐貲一萬四千餘兩經勞崇光奏保雖訪查尚無拜認師生確據而原保未免過優應俟另案訊結再奏又該前督於商捐京餉及京倉要需並無私自侵那任意稽延情弊詳加訊問勞崇光所陳各情尚無隱飾所有該前督自請嚴議之處可否免其再議等語勞崇光被參自陳各款既據晏端書等查明並無文飾該前督既經降調即著免其再議其廣東釐金事務著晏端書嚴剔弊端實力整飭未結各案仍著速行審結以免稽延○諭議政王軍機大臣等景綸奏流匪竄入山場嘯聚分兵剿辦一摺熱河朝陽流匪葛城薩等竄至三姓黑背地方復突至城南烏斯渾屯搶掠焚燒聚集至四五百人裹脅商民至數千名該將軍副都統何以並未陳奏直至滋蔓難圖始行調兵剿捕實屬形同讐瞞著嚴行申飭景綸見派佐領常喜等帶兵馳赴阿勒楚喀三姓一帶會同富隆額及富尼揚阿所派官兵會合攻剿著即嚴飭帶兵將領實力剿除務將首匪殲擒不准一名漏網如兵力尚單即由景綸等添派兵勇馳往合剿以期迅速肅清至賊由三姓地方糾眾潛匿富尼揚阿養癰貽患尤屬咎無可諉儻再不能奮勉勤洗力圖自贖恐難當此重咎也三姓等處與黑龍江所屬地界毗連並著特普欽派兵一面嚴扼要隘杜其紛竄並一面會合吉林官兵實力剿捕不得以未經闌入本境意存畛域任令延蔓將此由四百里各諭令知之○諭崇厚奏匪蹤紛竄連日截擊已遏北犯一摺賊蹤剽疾自武邑以至阜城景州所過又數州縣並未大受懲創官軍從後尾追究能殄除幾許如果賊之所到兵圍前截後追使賊不容喘息則裹脅日見其少堵剿亦易爲功著崇厚即速赴東強嚴扼北路並嚴飭美國仲等及催提天津洋槍隊各路兵勇乘勢痛加剿洗一面檄諭各屬團練四面兜截務將此賊就地殲除毋再

任令肆行奔突景州西南與山東德州臨清壤地毗連著譯延襄派兵堵遏飭令所屬文武激勵團勇與直隸兵團齊力兜剿不得任賊伺隙蔓延亦不得以驅賊出境遠爲了事朱儔詩由東赴直並著催令迅率所部迎前攔截奮勉圖功聞直隸肥鄉縣知縣楊毓楠人甚出色永年縣知縣謝恕縱賊殃民雞澤縣知縣高樹庠餽賊銀兩當此地方有事之際尤應分別勸懲均著崇厚卽行確切查明具奏遮克敦布何以不將王恩第迅卽交出可見其通賊等情必係的實著崇厚懷遵前旨嚴行提訊卽於軍前正法該署督前奏薩薩布馬隊在王家莊被賊衝散而姜國仲等卽於是日在該處擊賊獲勝何以彼此勝負兩歧是否分路並進抑有臨陣不相援應等情著崇厚訪查據實陳奏將此由五百里各諭令知之尋奏楊毓楠盡心吏治惟謝恕縱賊殃民請先行革職查辦高樹庠並未餽賊銀兩業因失守城池參革俟彙案查辦得旨謝恕著卽革職○戊午諭內閣李鴻章奏審明藩司受傷出城從重定擬一摺已革前署江蘇藩司候補道蔡映斗於蘇州失陷後潛逃出城疊經奉 旨學問交前任巡撫薛煥嚴訊按軍律定擬具奏茲據李鴻章奏稱該革道於逆賊攻陷蘇城時巷戰受傷遇救出城雖與棄城潛逃者有間究屬守禦不力應比例從重問擬發往新疆效力贖罪事犯雖在恩詔以前不准擬免等語著刑部覈議具奏○諭毛鴻賓奏查拏土匪生擒首逆等語湖南南路土匪侯潰隴隨同粵逆洪秀全起事旋復折回湖南糾結夥黨經前任江蘇按察使陳士杰訪查明確卽派把總周世烈等將侯潰隴並逆黨吳觀保一併擒獲解營正法其僞統戎曹鬍子等亦經陸續弋獲並將蔣木生餘黨馬華華等擒斬多名辦理甚爲妥速未獲各犯仍著該撫嚴飭在事各員趕緊緝拏以清餘孽而靖地方○諭議政王軍機大臣等瑛榮奏探聞興安府鎮兩城於上年十二月二十等日先後被髮逆攻陷覽奏曷勝憤懣見在咸陽喫緊曹逆竄踞江口另股回匪竄入鄂縣省垣糧道梗塞拏獲奸細譯出回教番書又有約期攻撲省城之語據該省紳士李宗沆等公懇曹馬德昭仍駐省垣以滋保衛經瑛榮錄呈具奏權衡緩急不能不俯允所請馬德昭著准其暫留西安所有省城防剿事宜著責成瑛榮會同穆騰阿馬德昭實力籌辦至興安南通楚蜀北接省垣若該匪盤踞日久必與曹逆勾結蔓延漢南爲患甚鉅是剿辦興安髮逆又刻不容緩馬德昭旣不能帶兵出省仍著多隆阿抽撥兵勇派明幹大員統帶由子午峪迎剿曹逆遏截北竄之路力保省垣再行相機進剿並著官文嚴樹森嚴飭梁作楫等趕緊馳赴興安力圖收復該道員驅賊出境並不跟蹤追蹙以致興安被陷本有應得之咎儻再不知奮勉卽著從嚴參辦鄭屬帶兵將領均係鎮道大員彼此不相統屬未免意存推諉官文嚴樹森相距太遠亦恐呼應不靈卽著察看情形如必須該撫前往調度卽著嚴樹森迅赴鄭陽督率諸軍越境援剿儻該撫不能親往務須於派出帶兵大員內責成

不爲少而散紮明港陡溝等處分布轉覺其單且克一寨卽分一軍兵力必有所不給臣愚以爲郡城宜有重兵方足以資鎮壓且毫捻被剿刻刻爲避兵出竄之計歸陳一帶門戶洞開不可不先期布置臣此番抵汝僅有小隊數百人緩急難恃已將袁甲三舊部九百人檄調來汝爲臣親軍並飭總兵余際昌率所部馳回汝郡候臣調遣如此運掉較靈各路均可兼顧上諭議政王軍機大臣等陳大澐被剿回竄桐境游弋於固鎮吳城一帶與林振山匪徒勾結見在張曜督率馬隊追至平昌關著張之萬會同毛昶熙嚴飭該總兵調集步隊探蹤前進會合各路兵團四面兜圍毋令再行竄逸邢集踞匪負隅未下疊經李續燾進兵擊敗並著飭令該總兵趕緊合圍盡殲醜類如邢集業已得手卽飛調李續燾一軍分兵西進爲張曜後路策應其汝東一帶伏莽尙多仍著飭令陳祿興等扼守岳城一帶鎮壓就撫各寨以防反側張之萬見調袁甲三舊部來汝並調余際昌全隊馳回汝郡該撫等務當酌度緩急相機策應肅清南圍以副委任將此由五百里各諭令知之○都興阿奏撤水師舊船及布置江防各事宜○廣江西廣豐縣學額二名○壬子諭議政王軍機大臣等崇厚奏賊竄冀州境內請增兵籌餉迅速剿辦一摺見在各起馬步兵勇陸續到齊著崇厚飭令星夜馳赴冀州以北繞出賊前會合堵剿成保所帶京營馬隊四百名已至南宮著卽會商該副都統妥籌調度於要隘地方設伏邀擊毋任再行竄越其調赴山西之後起馬隊官兵二百五十名著准其暫留直隸軍營歸成保薩薩布統帶以厚兵力俟直境匪勢稍鬆仍飭赴山西防所天津所練京綠各營洋槍隊原較各營兵勇更爲得力至原教之外國兵弁在海口百姓習見不驚今令隨同前赴軍營恐畿南各處人情疑懼該署督務當嚴爲約束俾兵民得以相安如大股迅就撲滅卽將洋槍隊仍調回天津練習不得久畱以節經費所籌寬備糧餉各情均著照所議辦理將此由五百里諭令知之○曾國藩奏恭奉諭旨以金陵逆賊有投誠之信飭令酌辦一節查金陵一城表延百里之遙我軍分屯雨花臺僅扼城南其東西北三面並未合圍詎能制賊死命目下偽忠王雖潛回蘇州而金陵城外各賊壘布置嚴密並不少懈僞侍王一股又窺伺太平金柱專圖進攻各路賊勢尙未窮蹙遽冀其獻城乞降酌理準情未敢憑信至自拔來歸不得妄加殺戮臣亦曾納降數次未敢輕於屠殺此次欽奉諭旨尤當嚴禁軍士私取財物申明約束以導向化之路又奉諭旨飭令壽州防兵未可輕動並垂詢苗練是否不至另生枝節臣查苗黨擄殺湘軍樵採勇夫疊端漸開時僧格林沁正撫苗勦捻給以餉項苗黨則痛詆楚師大肆簸弄臣恐因勦撫兩歧以致南北不和適值北岸和含巢三城並陷遂將壽正防軍撤出騰挪赴援明示以坦然不疑正冀其幡然自悔見在事隔兩月該練尙無據城以叛之迹或者感北軍撫馭之恩無湘勇偏處之嫌不至更生他變如果反覆無常逆迹明著臣與李

續宜之兵自度勦髮匪則不足制苗練則有餘不足深慮又奏諭旨垂詢楊岳斌彭玉麟二員中能否派撥一員駛赴下游江面駐紮防剿臣查楊岳斌防勦金柱關以備東壩駛出之賊船彭玉麟駐守裕溪口以備巢湖竄出之賊股且下自金陵上至九江節節皆有師船設防上游方戰爭不息實不能移紮下游江面上諭金陵城外各賊壘見向死力抵拒各路賊勢如僞忠逆侍逆等均尚未即窮蹙原難遽冀賊之獻城乞降其中如有自拔來歸者該大臣自必能嚴禁屠戮以爲隨時解散之方也壽正防軍之撤原屬移緩就急現在該練向無據城以叛之迹或係因僧格林沁之軍勦捻亳州相離向不甚遠自足以資控制惟將來僧格林沁一移他處則苗練無所鈴束勢必又生枝節該大臣等總宜豫爲之所設法散其黨與使日後不能再有反側方爲妥善李世忠桀驁未化朝廷亦所深知該大臣所陳委曲優容各節具見苦心然亦不可不隨時量爲裁制滌營餉銀于藥等件固宜陸續接濟若如那勒豐阿等遣撤官兵被其卡員阻行毆斃等事亦未可專事姑容李世忠爲部眾所蒙蔽尤當使其早自警省以爲保全著曾國藩嗣後察看如該提督有必須加懲究之處著卽據實奏明辦理所稱上游水師楊岳斌等各備巢湖東壩之賊不能移紮下游自屬實在情形均如所奏辦理外國銅冒自來火既飭工匠試造卽可於造成後飭令各營演放熟習以利攻剿另片奏近日各軍情均已覽悉韋志俊進攻青陽旣未得手朱品隲之軍由池州繼進著卽飭令迅克青陽以期次第掃蕩太平石埭等股賊氛俾金陵之賊羽翼漸除庶可徐圖進取將此由五百里諭令知之○癸丑諭多隆阿撥兵赴西安協剿並飭瑛榮籌餉接濟○甲寅諭內閣前因升任給事中林壽圖奏參福建藩司裕鐸等狎妓荒謔等款前任閩浙總督慶端含胡覆奏一味欺飾諭令耆齡等秉公審辦嗣又據御史朱潮奏參捐局委員章琮等營私舞弊並曾國藩奏遵查慶端袒庇私人聲名甚劣復經諭令耆齡等嚴密查參茲據奏稱藩司裕鐸等在紳士姚鏡圖家狎妓飲酒一節據妓女翠英優人秀林先後指證確實其捐務積弊查出官吏分用部飯火耗銀兩各情請分別革職監追各等語此案藩司裕鐸等被參貪劣各款或供證確鑿或案據分明該官吏等猶敢飾詞強辯顯係恃符狡展若不從嚴懲辦何以肅吏治而整紀綱除章琮李鼎胡斌朱仁來培屠堃姚鏡圖業經革職外解任藩司裕鐸候補李翊宸與泉永道秦金鑑候補知府陳謙恩王慶成知縣王柄曹學偉著一併先行革職交耆齡徐宗幹提同全案入證嚴行審訊務得確供按律擬辦至章琮陳謙恩等尤爲刁健並著加以刑訊至該員等侵吞捐項銀兩著照耆齡等單開各數著落追賠其劉翊宸秦金鑑應追之款既據聲稱設措完繳卽責令迅速繳清其始終玩抗之章琮朱仁來培李鼎曹學偉陳謙恩書吏林玉堂等並著照例監禁勒限一箇月如數追完丁憂道員司徒緒英樸丁憂革員屠堃均已各回旗籍並

著該部行文該旗籍查取親供咨明福建歸案辦理並將屠壑解往福建勒追應繳款項杭州將軍前任閩浙總督呂端任用私人多方袒庇於屬員荒淫飲譏侵利營私毫無覺察迫經降旨交查仍敢代爲徇隱實屬欺罔著交部嚴加議處尋議慶端應照溺職例革職從之○諭議政王軍機大臣等崇厚奏賊勢鴟張連日追剿情形一摺另片奏飛催宋懌詩來營調遣等語張錫珠股匪竄陷武邑經姜國仲等飛軍進逼收復縣城該匪向東南竄走馬匹甚多行蹤飄忽全賴馬隊官兵追躡乃薩薩布所帶馬隊六百名不遵該副都統調度被匪衝散若不申明紀律奚以整飭戎行著崇厚成保確查此次接仗首先逃遁之將弁及不遵號令之官兵即在軍前正法以肅軍令大名鎮標兵在何處滋事崇厚自應將約束不嚴之該管官據實參奏並將首先滋事之兵勇查拏正法毋得稍涉寬縱宋懌詩回東省後譚廷襄前有調赴淄川之奏見在直隸防剿喫緊著照崇厚所請准其催調來營並著譚廷襄速飭宋懌詩趕緊督隊起行惟宋懌詩降眾與張錫珠本係舊夥安知張錫珠不與之通信糾合惟在崇厚詳加審度察看其實能出力與否隨時妥爲駕馭毋稍大意布特哈等馬隊天津洋槍隊計先後趕到兵力不爲不厚該署督務當激勵諸軍及各路團勇分投截擊盡除醜類通賊貽誤縱兵搶掠之王恩第李鴻垣伊綿阿等並交查之案該署督當迅速遵旨分別嚴行查辦以懲其餘豈可延緩姑容致玩法者毫無懼懼昨據寶山奏已自古北口起程著該署督迅即飛催前進俾得會同祝壇辦理軍務將此由六百里各諭令知之○諭洪毓琛奏郡城防守燼定見擬先靖近城各路再剿彰逆一摺臺灣匪徒猖獗彰城尚被匪踞嘉義及郡城時形喫緊必須添兵濟餉方足以資攻剿前已諭令耆齡徐宗幹迅飭智王明吳鴻源諸軍厚集兵力進攻彰化保全嘉義肅清臺境著該督速飭該總兵等督率兵勇會合前進力圖掃蕩如兵力不敷即添撥內地官軍迅速渡臺以資剿辦至臺灣餉需並著該督等趕緊設法籌濟洪毓琛見在郡城一切籌防及餉項事宜仍著悉心籌辦就見有兵力分投攻剿不得專待援師致匪勢日形猖獗將此由五百里諭知耆齡徐宗幹並諭洪毓琛知之○詔沿海總督及閩國藩等各舉堪勝水師總兵人員○以張銓慶爲福建布政使

由記名道遷

○以克復廣西蓮塘出力賞副將黃仲慶巴圖魯名號道員易泰守備謝繼貴花翎餘升敘有差○乙卯以孟春時享太廟上前期親詣行禮○諭議政王軍機大臣等多隆阿奏移營進逼偏賊巢並與安府城被圍甚急各情

形一摺多隆阿自抵同郡後督軍疊破賊營回眾技窮屢次上稟求解並有投賊之鮮玉農哈連陞先後遞稟乞和多隆阿分別批斥所辦甚是見在王閣村羌白鎮附近賊營均被官軍焚毀該匪勢已窮蹙著即激勵諸軍乘勝進攻老巢將陝省東路各匪次第削平其涇陽咸陽各回巢自不難迎刃而解瑛榮將新募四營留省防守該撫務當內察奸細外憚逆氛毋

得有名無實髮逆陳德才等竄撲興安府城有賊營四十餘座郡城勢甚危急多隆阿進逼回巢正當喫緊恐難親督兵勇前赴興安著仍遵前旨酌派勁旅交馬德昭統帶由子午峪迎剿曹逆節節掃蕩馳解興安之圍瑛榮務當催令馬德昭兼程前進馬德昭亦當振刷精神力圖報稱興安毗連楚境梁作楫等自應就近馳援著官文嚴樹森嚴飭該道員等懷遵疊次諭旨迅即繞出賊前遏其北竄仍應派得力將弁會同興安兵勇力解城圍如該員等遷延不進定當從重治罪並將官文等嚴行懲處漢中監逆未除甯陝復有川匪滋擾著駱秉章速派知兵大員馳赴陝境先將曹逆殄除相機援剿以助陝省兵力之不及川陝唇齒相依諒該督必不稍分畛域也多隆阿另片奏請將戴鸞翔祥恩解交刑部嚴訊治罪等語著多隆阿派員將該革員等解赴山西省城交愛仁王茂蔭就近嚴訊至前文多隆阿查辦之案類似祥恩戴鸞翔者如多隆阿亦因軍務紛繁難於兼辦並著一併移交愛仁等嚴行訊辦至關不敏施鵬二員罪無可追著多隆阿於審明後即行正法解玉農前經投賊甚屬可惡哈連陞在潼關紮營被賊擄去勒廷方深惋惜謂其必能殉節不料此次尚列名遞稟求撫如此稟非出自逆回捏造則哈連陞之甘心從逆百喙難辭實屬罪不容誅著多隆阿訪查確實再行具奏將此由六百里各諭令知之○諭多隆阿自接辦陝西軍務以來覽其所奏留心體察該大臣於陷陣衝鋒頗有將才而於諸事未能通籌全局卽如勝保所部固多桀驁不馴之輩亦當次第遣撤乃旬日間遣歸兵勇已至七起之多卽不免操之太蹙見在成事不說以後必須事事謹慎方能膺茲重任該大臣身在行間於辦理文案未能親自料理必得公正和平能顧大局之員方可與之參酌軍務辦理合宜否則執持偏見甚至倚勢作威口中之所念或非奏牘中所書該大臣尤不可不防其弊務當隨時與官文嚴樹森相商訪求正人辦理文案斷不可先橫成見於胸偏聽獨任致有債事見在督軍進剿前有強悍逆回後無策應勁旅內防疑貳之兵外虜勾結之捻必須謀定後動計出萬全該大臣前在楚皖均有威望然當時尙有官文等爲之調度故能樹立勳名見在獨當一面尤應虛懷集益不可稍存自是之念一切顧全大局不可意存見小稍自滿假朝廷於該大臣拔自行間畀以統帥不憚諄諄教誨庶幾廓清全陝早奏膚功儻該大臣自謂身爲統帥高自位置驕矜自滿則何以克當名將該大臣當時引勝保以自儆省本日據該大臣奏稱目不交睫者三十餘日自因軍情緊急寢食俱廢然該大臣爲國宣勤膺茲鉅任亦當倍加慎重以副愛惜成全之意將此由六百里密諭知之○諭前因多隆阿奏副都統祥恩有寄頓勝保貨財情事該將軍遵旨派員前往查訊祥恩輒將派去員弁毆捆當經降旨將祥恩革職查鈔交多隆阿嚴訊復因道員戴鸞翔在勝保軍營舞弊將該員革職歸案審辦茲據多隆阿奏該二員屢經研訊堅不吐實請解部嚴審等語

一員統率以一事權據瑛榮奏毛震壽勦辦漢南賊匪一時恐難殲事等語毛震壽所部本係川省兵勇即著駱秉章速派知兵大員來陝接辦漢南軍務仍遵前旨酌調勁旅會同曹逆以濟陝省兵力所不逮西安無賴回民既有句通外匪之信著穆騰阿瑛榮馬德昭隨時嚴密查察相機妥辦城外糧道馬德昭務當督率兵勇設法疏通毋爲該匪所困多隆阿進攻王閣村等處回巢計可得手仍著隨時兼顧省垣以副委任雷正綰督軍援陝有幫辦軍務之責著激勵將士進攻咸陽一帶回巢牽制賊勢一切進止機宜多隆阿當隨時與雷正綰往返函商推誠相與切不可各存意見貽誤大局將此由六百里加緊各諭令知之○李鴻章奏查常昭被圍降眾堅守臣曾派常勝軍乘輪船由上海前往助剿俟行抵福山原擬換用小船上岸詎該軍未到以前江陰楊庫大股賊匪繞福山分布各口阻我進路臣復商請署提督黃翼升統帶水師出洋協助並派編修劉秉璋督催常勝軍五百七十人添調輪船一隻仍赴福山各口會同黃翼升等相機攻奪要口以期直達常熟臣先密派守備劉增壽馳赴常昭探信該弁回報潛入賊館親見偽忠王等帶領賊眾晝夜分門攻擊自被圍後周興隆駱國忠兩將分駐城頭及城西虞山固守賊中傳言官軍進攻太倉僞督王又率大股赴太協守臣聞信即飭總兵程學啟親督八營進紮太倉崑山交界之望仙橋安亭等處總兵郭松林亦督八營進紮太倉南路之外岡鎮李鶴章復帶五營由嘉定繼進臣又檄調副將姜德梁安邦等進六渡橋等處又令奧倫李恆嵩帶常勝軍二千餘人由松江徑趨太倉據報各軍行抵外岡業與程學啟李鶴章會商進剿部署已定忽大雨如注連日不止寸步難行常懇望救之切勢難久待稍霽即當併力進戰如可攻克太城即與福山一軍前後聯絡冀牽援賊之勢而結降眾之心臣上諭常昭周興隆等殺賊獻城上海官軍爲崑太兩城所隔不能聯絡駐守本屬可慮該撫見派程學啟李鶴章等分路進紮太崑交界之望仙橋等處著卽督飭各軍嚴密扼剿並設法援應常昭奧倫李恆嵩帶常勝軍由松江徑赴太倉與程學啟等會商進剿著卽將常勝軍妥爲籠絡並飭令我軍將士和衷共濟務將太倉攻拔與福山一軍前後夾剿方可以擊援賊之勢而解常昭之圍福山各口關緊要著卽督令黃翼升統帶水師並派令劉秉璋等督催常勝軍添調輪船會同鞠輝乾等各部攻奪要隘力遏賊氛並著都興阿飭令吳全美等添撥師船會合夾擊富明阿既赴下游查看卽著隨時相機策應毋稍貽誤將此由六百里各諭令知之○諭毛鴻賓奏遵籌赴東將弁並收復蓮塘各一摺湖南距東較遠若募勇成軍需費浩繁不如就地取材卽著飭令丁寶楨揀派文武將弁由湖南酌給行費攜帶赴東募勇訓練見在東省軍務毫無起色丁寶楨既久歷行開務令剋期前赴新任至江忠義一軍前因皖南北軍情喫緊諭令率所部赴皖嗣據毛鴻賓奏派席寶田東下已降旨令江忠義

署理廣西提督篆務見在潯州軍務尚未肅清江忠義仍著赴粵以專責成鄧子垣等一軍粵西是否尚有應剿之賊著毛鴻賓張凱嵩籌商妥協再酌量遣匪毛鴻賓能顧大局該省紳民亦能以公事為急均堪嘉尚其蓮塘善後事宜投捕餘匪清查戶口追繳器械乃地方官應辦之事即著張凱嵩派委幹員妥速辦理其查辦土匪案內之舉人李波即李博慶別科名勾通逆匪務須緝獲重辦以申國法將此由六百里各諭令知之○以吳廷棟為大理寺卿調丁寶楨為山東按察使以張集馨為陝西按察使

已革江西布政使

○予廣西陣亡參將李澤明祭葬世職○已未諭內閣前因御史劉其年奏裁減河工經費並請將河東河道總督一缺裁去降旨交張之萬詳細妥議具奏茲據奏稱河東河道總督一缺兼轄兩省黃運河工關

繫非輕未敢率議裁撤俟詳加體察再行奏請惟南岸所屬四廳北岸所屬三廳河道均已乾涸各廳員一無所事均可裁撤所有山東所屬之曹河曹單二廳著山東巡撫酌量辦理其河南所屬之南儀儀睢睢甯商虞舊考五廳著照該撫所請即行裁撤並著該部援照河南裁缺成案查議具奏○諭議政王軍機大臣等前因熱河朝陽流匪竄至三姓搶掠焚燒當經諭令景綸等會同特普欽派兵會剿茲據景綸等奏匪首葛城灣等糾匪萬人分路撲城經佐領凌祥等督兵截擊副都統富尼揚阿督率兵勇接應葛逆身受重傷逆勢不支向南敗走四散等語此股賊匪前據景綸等奏聚積四五百人裹脅至數千人此次奏稱約有萬人是其嘯聚日多一日雖官軍接仗小勝而匪眾四散仍未大受懲創該處山勢雜沓賊匪最易藏匿著景綸瑞麟特普欽懷遵前旨督令派出兵勇會同甯古塔阿勒楚喀副都統一體進兵跟蹤追躡入山窮搜並飭令各該地方官督率兵團次第剿捕查拏毋令日久蔓延吉林三姓與昌圖毗連該匪業經南竄設被闖入盛京根本重地又復喫重著玉明迅即豫派得力將弁督帶兵練實力扼剿與吉林黑龍江官軍會合兜拏毋畱餘孽將此由五百里各諭令知之○僧格林沁國瑞奏等自上年十二月間疊次進攻馬村橋擒首蘇添才賊巢該逆恃有跨河南北兩圩牆高壕闊抵死抗拒我軍屢用炸礮轟擊將南圩房屋燒毀殆盡復於本年正月初一初二等日督帶馬步兵勇礮位繞至河北攻打北圩將房屋燒盡所存無幾初四日移營進逼初六日先用炸礮轟擊圩中賊匪稍亂我軍乘勢攻進礮斃賊匪多名餘眾勢不能支旋向南圩逃竄遂將北圩平毀乘勝環攻南圩復於夜間襲其不備賊眾驚亂兵勇乘勢填壕攻入該逆向東逃走兵勇在圩內搜殺多名至竄出之賊經營總常山保等分路追擊斃賊百餘名遂將南圩全行平毀惟永城南界唐家寨岳家集等處賊圩尚多欲節節前進必須先清後路方為穩固俟將唐家寨等處剿除後即相機進剿擒首魏清沅前赴宿州投誠經該州知州英翰飭令殖髮派人押解來營等查看情形尙屬真心歸正遂令仍回宿州殺賊立功贖罪其長

料其現今計開長城五城均至平國一六四家皆於長城附近賊圩以孤長城之勢然後併力圍攻以期盡殲醜類 上諭

不效誠北太器內藏山東死賊妻女又據開

縣同善堂呈報一冊查照具奏其前次

前經該堂轉詳該國領事英失互

前經該人責其短之西匪

之式事案二 增長城圩著譚廷襄責成黃國瑞迅速肅除張錫珠見由武邑竄近景州崇厚督兵堵剿德州相距甚近著該

前撫飭令該州文武帶勇集團會同直隸官軍夾剿以期剋日肅事雷鳳鳴既與宋傑詩積不相能准其調至兗州軍營務

當妥為駕馭毋稍大意將此由六百里各諭令知之○諭張之萬奏直東寇氛擾及北鄙飭各軍會同地方兵練扼剿各摺

片陳逆疊經官軍痛剿負隅固鎖此次潰圍而出計窮勢蹙當不難力圖剿除著張之萬嚴飭張曜等跟蹤追剿擄穴擒渠

以清巨患並著咨會楚省官軍兩面夾擊肅清南圍至河朔一帶據該撫奏稱自楊長春等擊退邯鄲竄匪後該副將同聚

豐樂鎮惟直境匪徒肆擾協漳一帶伏莽尚多難免不互相勾結仍著飭令該副將會同該地方官嚴密接捕毋畱餘孽將

此由五百里諭令知之○命阿克敦布等明定熱河所屬蒙古地畝差項章程○廣湖南衡山縣學額一名○予河南陣亡

副將周見忠祭葬世職○庚申諭內閣翰林散館歷科均用詩賦考試因近來積習相沿專於研揣聲律不求實學前經降

旨自癸亥科起庶吉士散館改詩賦為策論原期講求實用培植真材茲據御史陳廷經奏稱歷代取士法制屢更行之既

久莫不有弊惟在用法得人不必遽改定制庶常散館嗣後仍請用詩賦等語翰林院為人才淵藪膺是選者平日於古聖

賢經史性理讀書果能講明切究身體力行自然學問優長體用兼備發為策論既不同陳言勸襲作為詩賦亦不徒競尚

聲華該庶吉士等必應兼擅其長始為名實相副著自此科為始嗣後遇散館之年該衙門於先期一月具奏請旨於詩賦

策論兩項內不拘何項出題考試該庶吉士等仍當研求經術修明正學求為本末兼賅之士俾詞章經濟相輔而行用副

朝廷樂育英才至意○諭議政王軍機大臣等有人奏崇厚庸劣畀以重任難期得力一摺直隸地面軍務緊要前因劉長

佑一時未能即到令崇厚暫行署理總督原以畿疆軍務不可一日無人督辦責任綦重茲據奏稱崇厚聲名甚劣歷任通

承各道甚屬平庸升任運司及升侍郎駐津後亦多方蹟倚任春霖及劣弁郭文奎等於海防並不認真操演查辦許誦恆

之案一味彌縫如籌通商則見輕外國辦釐金則提保官階節壽陋規多至數倍並收買部民之女為妾等款如果屬實均

干例禁雖屬權任畿疆必致徇私妄作見在董恂已赴天津接辦三口通商事務著即按照所參各款秉公確切查明據實具奏原摺著鈔給閱看將此諭令知之○左宗棠奏自官軍進攻龍游湯溪全浙之賊亦併力西趨堅圖抗拒湖紹兩郡賊首偽戴王等各率其黨麇聚金華自城西連營數十里其新昌嵊縣諸暨浦江各縣之賊與蘭谿踞匪會合亦連營數十里十一月十三至十二月初十等日龍游各營截擊城壘潛出之賊約共斃賊數百名其蔣益澧劉典各軍圍攻湯溪蘭谿等處自十一月二十二至十二月二十一日一月之中疊有擒獲官軍因攻壘未下亦有傷亡見在龍湯之賊接濟早斷勢難久存惟局勢有不客不慮者賊勢西趨雖圖解龍湯兩城之圍然其詭計則似恐官軍由西而東日進日偏妄思乘閒西竄爲出死入生之謀見在甯波官軍漸逼曹娥江距紹興府城僅五十里而該逆未嘗回顧是其注意西竄已可概見臣軍以江皖爲後路蘭谿之賊可由壽昌閒道出常山而入江亦可由遂安而入皖金華之賊可由松陽遂昌出江山以入江亦可由龍泉以入閩此數縣者斷難任其侵軼惟有勉力圖維隨時咨商閩浙督臣江西撫臣力保完善之區上諭見在龍湯之賊接濟已斷不能久存著左宗棠督飭蔣益澧劉典等軍乘勢進攻毋稍鬆勁該逆等注意西竄欲鈔官軍後路不可不嚴爲防範常江山等處路路可通著即飛咨閩浙總督江西巡撫一體派兵嚴防左宗棠亦應豫爲部勒於江皖道路嚴密布置毋任乘閒竄突甯波官軍漸逼曹娥江距紹興府城僅五十里如漸偏漸緊該逆等亦未必不分兵回援該撫務當激勵中外各軍實力進剿以牽賊勢近日軍情仍著隨時馳奏以慰廬系將此由五百里諭令知之○予浙江殉難副都統傑純祭葬世職建祠並知縣吳寶豐祭葬世職入祀昭忠祠○予浙江陣亡參將王浮龍祭葬世職○辛酉諭議政王軍機大臣等崇厚奏賊竄東境分兵越境追剿一摺此股賊匪自王家莊武邑擊敗後盡力狂奔官軍從後尾追總未及賊接仗焉能逐漸殲除茲復據奏賊竄東境強邊界復由山東武城境內直奔威縣東南之尖莊乘夜偷渡河東餘匪竄至館陶縣屬之方兒寨一帶意圖抗拒何以賊之所向官軍總未能繞出賊前攔擊而所過州縣亦長驅無阻山東邊界所派帶兵防剿係屬何人竟致賊之所到如入無人之境該地方文武所司何事著譚廷襄查明據實嚴參崇厚訪查明確亦即從嚴參奏前據遞克敦布繪圖貼說於尖莊河添設礮船見在已將遞克敦布之兵歸祝壇統帶該處有無礮船何員帶領何以任賊渡河著崇厚譚廷襄一併查明具奏其前次奏報故城及東鹿田家莊等處擊賊出力之團練人等並著查明速即保奏以示鼓勵此次摺內所稱山東武城境內又被圍練截擊奪獲大車數十輛如果實係與賊接仗有所斬獲即一併查明擇尤保獎毋令掩抑見在賊既竄至館陶之方兒寨意欲負隅抵拒正可乘此痛加勦洗其前隊騎賊渡過河東見抵何處崇厚

已馳赴威縣著卽就見到各營兵勇越境進剿調集各路鄉團在於西北東北兩面兜截並再飛催天津洋槍隊及黑龍江後起官兵迅速圍剿並著譚廷襄飛速派兵嚴飭所屬地方文武調集團勇迎頭攔截與直隸官軍聯絡策應務將此股賊匪就地殲除毋任賊氛分合自如及與各處伏莽勾結再行回竄此股賊匪一日未滅畿疆一日不安賊蹤剿疾異常必須得力馬隊追剿方能制其死命著僧格林沁於所部馬隊酌量派撥一千或數百名遴委熟經行陣之員帶領星馳前來以利攻剿方兒寨係賊熟到之地前文煜遮克敦布卽因賊竄該處速報畿疆一律肅清旋復任賊回竄又肆鴟張崇厚等如不能將此賊迅速殲除前車可鑒卽譚廷襄亦不能以賊氛屢入東境任其來往謂朝廷寬典之可數邀也懔之將此由六百里各諭令知之○諭張之萬毛昶熙奏擒獲巨捻及追剿陳大澹獲勝各摺片捻首張鳳林赴營詐降意圖嘗試經張之萬等密飭張曜等設計誘擒所辦甚妥張鳳林與陳大澹猖獗爲奸張鳳林業經就戮陳大澹逆勢已孤見經我軍跟蹤追剿該逆逃入土扶橋霍光玉寨內經張之萬嚴飭張曜等四面合圍毛昶熙派軍繞出東面遏賊竄路著卽督飭該總兵等乘勝攻剿一鼓殲擒若再縱令他竄定惟張曜等是問尹寨李灣既經攻拔著該撫等卽責令趙鴻舉余本初等乘此聲威將東南各寨節節掃蕩務期一勞永逸迅速奏功張之萬另摺奏河南軍務地方情形所陳吏治諸弊軍務諸難持論頗見真切吏治一節則曰當用慈祥愷悌之人不用武健嚴酷之吏軍務則曰俟南團肅清後擬將全省兵力分爲四軍扼紮陳州太和等處已得提綱挈領之要惟爲治之道貴能行不貴能言該撫到任兩月於豫省積弊既能言之歷歷瞭如指掌如果隨時體察次第施行不倦河南雖係殘破之區無難日有起色張之萬既經朝廷特簡斷不拘以常格責效目前該撫務當躬行實踐慎始圖終以副委任勉之望之原摺留覽將此由六百里諭令知之○以河南計擒捻首張鳳林賞總兵官張曜翰林院檢討吳元炳等加銜升敘有差○飭熙麟等迅解烏城及巴里坤協餉○允古城領隊大臣文祥請墾草湖等地畝升科濟餉○王戍諭議政王軍機大臣等都興阿奏查探遠近賊情並富明阿奏遵查沿江情形各一摺常州逆首打造鐵鍊豫辦麻繩火藥綫欲於正月分股攻撲鎮江如江北兵勇過江救護卽乘虛由餘塘等處過江直犯靖泰僞護王等帶賊二十萬已抵金陵之清化溪聲言由下關渡九江洲大股下竄儀揚從邵伯直撲裏下河是賊匪情形叵測大江南北均形喫緊鎮江爲濱江要郡馮子材等扼守數年頗著威望著該提督探明賊蹤所向奮力擊剿毋稍疏懈曾國荃大營甯臻安穩該逆大股已抵清化溪雖聲言欲竄裏下河難保非聲東擊西著曾國藩轉飭曾國荃加意防範該藩司分防蕪湖等處儻賊匪再圖攻撲大營兵力是否足敷防剿並著該大臣悉心籌畫辦理都興阿因江防緊急據奏已咨曾國荃將此次

赴援各營兵勇撥回原防並著飭曾國荃察看情形先其所急酌量妥辦上游和巢官軍擊賊獲勝將來賊勢不支必回竄渡江而儀揚等處必應豫備不虞著該將軍會同富明阿隨時探明刻刻防範毋任紛竄富明阿察看江面已竣布置一切均尚妥協如下游靖泰等處喫緊即著富明阿親自前往調度富明阿另片奏裏下河抽釐積弊已明降諭旨將知府嚴遶等革職矣該都統於辦理此事甚屬認真可嘉若能將釐局歸併委員裁撤則浮費可減商旅亦便於軍餉民情均有裨益本日諭知吳棠認真裁汰著都興阿富明阿悉心籌酌應如何歸併以裕軍餉之處即咨商吳棠辦理不必稍存越俎之嫌將此由六百里各諭令知之○諭恩麟奏漢南軍營餉匱兵譁瑛榮奏省城賊氛緊急糧道不通各一摺毛震壽自上年督兵來陝將鄧逆一股殲除後洋縣失陷迄未攻克雖係餉細兵單究因該藩司調度未能得力本日已諭令駱秉章酌撥軍餉解赴漢南接濟仍著瑛榮嚴飭毛震壽激勵兵勇迅圖攻拔洋城毋再遷延致干重咎據瑛榮奏稱省中倉糧將盡譚濟堪虔雷正綰駐紮三原每日派隊運糧接濟成祿軍營不能顧及防剿涇陽見係空城成祿駐此亦屬無益請將雷正綰調回省垣先清附近賊巢並令成祿移紮三原就食等語涇陽雖無居民不可無兵駐守若將成祿撤回三原該匪占踞涇城剿辦又覺費手雷正綰馬步各營應否調回以扼省垣之急著多隆阿察看情形酌量調遣馬德昭一軍見在紮營何處何以瑛榮未經提及著馬德昭恪遵前旨將附近回巢盡力剿洗多隆阿身膺重寄必須統籌全局相機調度省垣關繫甚重尤當妥籌兼顧如果賊勢太盛糧道梗阻馬德昭兵力單薄不敷攻剿該大臣務當先其所急即雷正綰等不能前往必當撥兵救援儻株守一隅置省垣於不顧設有疏虞朝廷賞功罰罪一秉大公豈能於多隆阿稍加寬恕耶懍之瑛榮另片奏烏勒興阿常海二員所帶吉林黑龍江馬隊三百餘名因人馬疲乏經多隆阿遣赴潼關調養又有無馬之兵二三百名頗可訓練請飭多隆阿調赴省城助剿等語著多隆阿迅令烏勒興阿常海統帶所部前赴西安以備調遣將此由六百里各諭令知之○諭前因陝西藩司毛震壽在陝南剿賊日久無功疊被參劾諭令駱秉章查明具奏尚未據該督覆奏見據恩麟具奏該藩司以洋縣藍逆衝陷官軍營盤兵飢餉絀貽誤大局稟請奏參治罪察查所稟各情該藩司一而莫展斷難望其復振而陝南賊勢日熾不可不急易一統兵之將以專責成易佩紳陳天柱名位雖卑其才力是否足以獨當一面或川省另有武職大員可以派往均著駱秉章酌擬具奏藩司關繫緊要如有知兵之員固屬人地相宜儻一時未得其人但得實心任事之賢員亦可望其勝任駱秉章素能留意人才著即迅速奏聞候旨簡放或川省未得其人即於才習平日所知可以迅速到任者亦不妨出具考語據實具奏甘肅回匪滋擾提督馬德昭尚在西安未能赴任而該省總兵亦俱在

各路軍營見委副參遊擊設署難望得力肅州鎮總兵何勝必巴里坤鎮總兵熊煥章近在川省著駱秉章卽飭該二員迅帶所部取道白馬關馳赴甘省用資會剿再署湖北提督江長貴前經給假回籍著該督卽飭迅速馳赴直隸聽候節用並著傳諭該提督卽日起程不必俟假滿再行北上至駱秉章所患咯血是否痊愈老成耆宿中外無多如病體稍痊卽行馳奏用慰廬念將此由六百里諭令知之尋奏易佩紳陳天柱非統帥才川省無員可派陝藩緊要知兵者難其人見任臬司吳昌壽官聲卓著王榕吉明幹有爲前任藩司賈洪詔辦事實心謹就所知所聞酌舉三員報聞○諭傳諭護陝甘總督布政使恩麟恩麟奏攻剿靈州回匪獲勝匪勢窮蹙乞降並甯夏平羅回匪乘間竊發河州回民悔罪乞恩懇陳餉總兵單不得不從權辦理各摺片覽奏均悉道員侯雲登督兵剿捕靈州賊匪解圍後親率兵勇馳往平羅救援因未能審度地勢率行前進以致挫敗本有應得之咎惟侯雲登以文員請署武職尙屬勇於任事非畏縮不前者可比著加恩免其議處協領控林等於郭家橋之戰應援遲緩念其併力收護轉取爲勝一併從寬免議平羅一帶回匪誤聽流言膽敢肆行紛擾經侯雲登選派妥弁及回民掌教人等持諭解散已有悔悟之意著卽實令速將起意滋事及造言煽惑各要犯縛獻究辦如敢抗違仍應實力剿除毋稍遷就其靈州股匪兇戾威懾服著責成定安楊炳銓等查明眞僞分別辦理河州回眾因爭渡啟釁肆意搶掠本應嚴行懲辦惟大兵未集之先已悔罪投誠不無一綫可原著照恩麟所奏飭令崇保等督同在事文武秉公查辦惟該回眾是否眞心就撫總約馬萬祥等跪道哭訴是否出自至誠須詳加體察不可爲其所愚如該回眾不肯縛獻首犯交還擄去財物卽著調集大兵痛加剿洗斷不准稍事姑容致貽後患○子甘肅陣亡教諭卞叶恒祭葬世職○甲子諭議政王軍機大臣等譚廷襄奏叛匪回竄東境見飭各軍截擊一摺所奏賊由景州故城館陶以至臨清州搶渡擾及堂館之王家隄清亦鎮等處與前崇厚所報大略相同本日又據崇厚奏賊由館陶方兒寨竄至邱縣之東目秦經候補道劉策先帶兵追剿賊復竄至臨清州屬之邵家莊見飭各軍進剿等語亦與譚廷襄所奏略同惟賊至邱家莊其與擾及堂館及冠縣境內之賊是否卽係一股直隸境內見尙有無餘黨竄匿著崇厚趕緊提洋槍各隊到齊會合諸軍偵探確實一面查明具奏一面派兵分路並進痛加剿洗賊既意圖回竄北路之防尤關緊要並著嚴密布置毋得稍有疏虞譚廷襄據遵前旨速卽派兵迎頭截擊守備馮勝材所部兵勇若干能不得力著卽飭令與直隸官軍會合夾擊並飭所屬州縣激勵團練四面堵遏毋再任賊紛竄宋懷詩雷鳳鳴等均願剿賊自效自當因勢利導惟宋懷詩雷鳳鳴能否認真剿賊著崇厚譚廷襄隨時察看至宋懷詩見欲添募馬步三千名之多崇厚於鈐制駕馭之法尤須審慎周詳確有把握方可辦理

此輩狼子野心其與張錫珠等暗中有無句合既不可知若招之即來而適爲張錫珠等添其羽翼狼奔豕突爲害豈可勝言至將來此股賊匪蕩平後宋慎詩等所部人數過多應如何安插遣散亦須豫爲籌及著崇厚譚廷襄悉心妥辦毋貽後患王恩第既據崇厚奏稱業已到營卽著崇厚遵照前旨迅於軍前正法不准稽延時日遮克敦布伊綿阿貢罪尤重著迅速嚴行提訊伊綿阿並不得任令藉病稽延崇厚初膺劇任務須事事破除情面勉自振刷其李鴻垣丁學易裴福德等案均卽一一認真查辦薩薩丕所部不遵號令之官兵尤應趕緊查拿遵辦毋稍姑容祝瑛業已接帶遮克敦布之兵寶山是否業已到營並著崇厚飛催前進毋任延緩譚廷襄另片奏潘川進攻各情其用地雷轟塌城牆外皮等語恐仍敷衍搪塞之詞陳顯彝既經撤回卽著譚廷襄將該員並吳載勳前次交查之案速行查辦毋許意存回護吳白朗人甚平常未必知兵譚廷襄委令前往接辦仍恐不能得力總兵曾逢年日內既可到營卽責成迅速辦理早拔堅城悉殲醜類李成等股匪伺隙奔突各路兵圍迎剿德榜額等亦卽星夜跟追卽著譚廷襄嚴行催督該已革副都統等及各文武兵團乘勢追剿蘭費另股棍匪乘官軍追擊李成等股出巢肆擾見雖截擊回巢尤應督飭文彬奎芳等嚴密堵截並令知縣王成謙等各軍分路進剿以期堵穴擒渠毋畱遺孽將此由六百里各諭令知之○諭馮子材魁玉奏蘇常老賊糾合丹陽踞逆分犯鎮營防剿戒嚴一摺鎮江郡城實爲大江上下游關鍵賊所必爭之地全恃防守嚴密無隙可乘賊始不得往來逞志昨據都興阿等奏偽護王等帶賊二十萬已抵金陵之清化溪意圖下窺儀揚等處是鎮營江防尤爲喫緊茲據馮子材魁玉奏稱逆黨三萬屯於句丹兩邑並探有蘇州踞逆遣黨假扮官兵四窺復調蘇常老賊上犯金柱關見在已有僞懷王等率賊三萬餘入竄踞句容之荻塘等處又有丹陽踞逆糾黨擾及大港等處陸路三面俱形喫緊與都興阿所奏情形大略相同鎮營以有限之兵當逆賊六七萬眾其勢不可以浪戰該提督等堅守孤城有年自必洞明形勢據奏業經飭令水營先固江防並派總兵田宗揚等將東路羣逆殲除西南一帶因有重賊未便深入並多派偵探覘賊情形俟其臨近而痛剿之進止頗合機宜嗣後該提督等仍當竭力固守雖賊眾紛乘輒示以不可動搖之勢如鎮城稍有疏失必惟該提督等是問以後軍情務須隨時與都興阿會同至等聲勢聯絡毋稍疏虞將此由六百里諭令知之○諭張凱嵩奏遵查粵西股匪次第辦理情形一摺所稱粵西各處股匪名數與前次劉長佑遵旨查覆情形大略相同該省股匪雖多而平潯兩處尤爲巨患竄擾最久自應先其所急以全力攻拔則其餘各股自無難次第蕩平張凱嵩所奏各情尙能洞悉機宜權衡緩急見在連塘巨股業經划平潯州踞匪復與貴州橫州永淳岑溪容縣各股聲氣潛通尤宜乘勢分道進兵以收破竹之效卽著張凱嵩照